




星經卷

二五
2225



2225



通占大象曆星經卷上


漢 甘公石申著

明 新安程榮校

昭和十三年九月三日寄
林 癸未夫氏贈


原缺文一張

四輔




四輔四星抱北極樞星主君臣禮儀主政萬機輔弼
佐理萬邦之象輔佐北辰而出入授政也

六甲



六甲六星在華蓋之下扛星之旁主分陰陽而配於節候出入故在帝座旁所布政教而授農時也

鉤陳



鉤陳六星在五帝下為後宮大帝正妃又主天子六軍將軍又主三公若星暗人主凶惡之象矣

天皇


天皇大帝一星在鉤陳中央也不記數皆是一星在五帝前坐萬神輔錄圖也其神曰耀魄寶主御羣靈

也

柱下

柱下史在北辰東主左右史記過事也

尚書




五尚書右東南維主納言夙夜諮謀事也

內廚


內廚二星在西北角主六宮飲食后妃第宴飲厨府也

天床



天床六星在宮門外聽政之前亦主寢宴會讌息床
星傾天子不安失位也訣曰火入紫微宮中天下大
乳帝王失位

北斗




北斗星謂之七政天之諸侯亦為帝車魁四星為璇
璣杓三星為玉衡齊七政斗為人君號令之主出號

施令布政天中臨制四方策一名天樞為上星主陽
德亦曰政星也是太子像星暗亦經七日則大災第
二名璇主金刑陰女主之位主月及法若星暗經六
日則月蝕策三名璣主木及禍亦名金星若天子不
愛百姓則暗也策四名權主火為伐為天埋伐也無
道天子施令不依四時則暗策五名衡主水為煞助
四時旁煞有罪天子樂淫則暗策六名闔陽主木及
天下倉庫五穀策也名搖光主金亦為應星訣曰王
有德至天則斗齊明國昌總暗則國有災起也古斗


中子星少則人多姪亂法令不行木星守貴人繁天下亂也火星守兵起人主災人不聊生棄宅走奔諸邑守斗西大饑人相食守斗南五果不成五星入斗中國易政又易主大亂也彗孛入斗中天下改主有大戮先舉兵者咎後舉兵者昌其國主大災甚於彗之禍在房守之咎重細審之所守樞入張一度去北辰十八度也衡去極十五度去辰十一度

華蓋




華蓋十六星星在五帝座上正吉帝道昌星傾邪大凶扛九星為華蓋之柄也上七星為廢子之官若星明匡主天下不明主乳期八年國無主也

五帝座




五帝內座在華蓋下覆帝座也五帝同座也上色政吉色變為災凶也

御女



御女四星在鉤陳北主天子八十一御女妃也后之官明吉暗凶也



天柱五星在紫微宮內近東垣主建教等二十四氣也

女史 ○

女史一星在天柱下史北堂記禁中傳漏動靜主時要事也

陰德



陰德二星以太陰在尚書西主天下綱紀陰德遺周給惠賑財之事

大理 ○


大理二星在宮門內主刑獄事也自北極已下五十一星並在紫微宮內外占曰彗孛入中宮有異姓王火星入守北極臣下煞君木星入守北極國有大衰若分中又有逆臣反乳土星犯乘之大人當之太子有罪五星聚在中宮改立帝王五星及客犯守鉤陳者

大臣凶所守犯之座皆受其殃咎也

輔星 ○


輔星像親近大臣輔佐興而相明若明大如斗者則相奪政兵起若暗小則死免官若近斗一二寸為臣迫脅主若五六寸四遠客及彗孛入斗中諸侯爭權逼天子月暈斗大水入城兵起主有赦北斗第六七損角第四五六指南第一二指背二十有九星

內階




內階六星在文昌北階為明堂頭

文昌




文昌七星如半月形在北斗魁前天府主營計天下事其六星各有名六司法大理色黃光潤則天下安萬物成青黑及細微多所殘害搖動移處三公被朱不然皇后崩文昌與三公攝提軒轅共為一體通占木上星守之天下安火星守國亂兵起金星守兵大起若彗孛流星入之大將返叛亂也

三公




三公星三在斗柄東和陰陽齊七政以教天下人一
星亡天下危二星亡天下亂三星亡天下不治也

天梧



天梧五星不用明明則天下兵起斧鉞用鎗梧八星
皆非常也入民二度去北辰二十八度

天槍




天槍三星在北斗柄東主天銜武備在紫微宮右以
御也

傳舍



傳舍九星在華蓋矣神北近天河主賓客之館客星
守之兵起令四方館也

天厨



天厨六星在紫微宮東北維近傳舍北百宮厨令光
禄厨像之星亡君子賣衣民人賣妻子大饑客守之
大饑荒

天一 ○


天一星在紫微宮門外右曰南為天帝之神主戰鬪
知吉凶星明吉暗凶若離本位而乘斗後九十日必
兵大起也光明陰陽和也萬物盛天子吉星亡天下
亂大凶也

太一 ○

太一星在天一南半度天帝神主十六神知風雨水
旱兵馬饑饉疾病災害若在^其國也星明吉暗凶離
本位而乘斗者九十日必兵大起也太一星入軫十

度去北辰十五度半太一星去北辰十一度


天牢



天牢六星在北斗魁下貴人牢占為貫索同主林示思
慕姦志火星守入之人民相食之應有赦也

東方七宿三十三星七十五度并中外宮輔座等

角宿




角二星為天門壽星金星春夏為火秋冬為水蒼龍
角也東方首宿南左角名天津蒼色為列宿之長北

右角為天門黃色中間名天關左主天田右主天祇
十三度八月日在北南去北辰九十一度凡日月五
星皆從天關行此為黃道入黃道為旱其角南二度
為太陽道入陰道為水角宿北二度為陰道角宿直
指辰即是耕種次為農官若明大王道太平若暗及
亡角搖動王者失政星微小國弱失政王道不行春
日月入角暈者王失政日月角中蝕者其邦不寧木
星守七日有赦忠臣用火星守忠臣賢相受誅繒帛
貴有關戰萬人兵起期以日宮中盜賊內亂火守角

宮道不通大環遠鉤已者國大饑火犯之必戰火守
左角太尉死國危守右角五穀不熟大水災犯左右
角羣臣謀戢不成伏誅土守內主喜六十日國有忿
爭金守天下兵大盛國有爭事金火合守太白居後
被軍將殺水守王者刑罰急有水災疾疫客孽孛入
角色白者國有兵起及大喪亦軍敗城墮客守四十
五日旱五穀焦風雨不時蝗蟲起星流出角門天子
發使出外從他宿入角門外國使入中京或為近臣
殺主戰死月蝕熒惑有乳臣在宮非賊而盜月入天


市及河而暈三重兵起天下道斷軍將失利

天理



天理四星在北斗杓中主貴人宰為執法官星不欲明明則貴人被罪

執法



執法四星在太陽首西北主刑獄之人又為刑政之官助宣王命內當侍官也

太陽

太陽守在西北主大臣將備天下不虞事星明吉暗凶星移天下兵起中國不安之應也八張十三度北極四十五度

相


相星在北極斗南總領百司掌邦教以佐帝王安撫國家集眾事家宰之佐星明吉暗凶亡相死不然流出太陽入張十二度去北辰四十五度相入翼一度去北辰三十一度

平道 

平道二星在角間主恪道之官

進賢 

進賢一星在平道西垣卿相薦舉逸士學官等之職也星明賢士用進暗小人用


天門 

天門二星在左角南主天門侍昴應對之所

天田 


天田二星在角北主天子畿內地左對壇東城邑邊

塞

周鼎 

周鼎三星足狀云鼎足星在攝提大角西主神鼎


庫樓




庫樓星二十九星庫樓十五柱十五星衡四星在角南軫東南次器府東一曰文陣兵事之府中繁衆則

大兵起庫中無星下臣逆謀兵盡出天下無災居者
庫中柱動出兵戈四夷狄枉半不具天子自將半兵
出木星守人饑米貴西入軫一度去北辰四十九度
昏中西去北辰八十九度

左攝提



右攝提




攝提六星在南亢東北主九卿為甲兵携紀綱建時
節祥火星守天下更主金星守兵起

大角


大角一星天棟在攝提中王帝座金星守兵大起月
蝕王者惡忌之入亢三度斗去北辰五十九度也

帝席




帝席三星在大角北星暗天下安星不欲明明則王
公凶

亢池



亢池六星在亢北主度送迎之事

折威



折威七星在亢南主詔獄斬殺邊將死事

陽門



陽門二星在庫樓東北隘塞外寇盜之事

陣車



陣車三星在氐南主革車兵車


亢宿



亢四星名天府一名天庭總領四海名火星春夏水
秋冬金暗國內乳弱大明天下安寧日月蝕亢中國
有事五星犯亢逆行君憂失國大臣不用木星守雷
三十日已上有赦年豐久守其國米貴人多疾病水
災水與火星同穀不成人死如草木水災火星守多
雨天下兵盡返大起水星守其分米貴久守多病大
水災也土星守萬物不成多病金星守天下道不通
兵起盜賊水災傷人金星行入南上道五穀傷赤色
旱人流走彗孛犯之其國兵起大臣作亂一年日暈


圍光士卒自將百里不遂士卒死

梗河



梗河三星梗在大角帝座北主天子鋒又主胡兵及
喪訣曰梗河去也相去吉相何兵起客守世乳美

騎官




騎官二十七星在氐南主天子騎虎首貴諸侯之族
子弟宿衛天子令三衛之像星眾天下安星少兵起
五星守之兵起西北入北辰一百十五度

車騎將軍


車騎將軍星在騎官東南主車騎將軍之官

車騎




車騎三星在騎官南總領車騎行軍之事

西咸




西咸四星在氐東主治淫佚南星入氐五度去北辰九十三度

七公




七公七星在招搖東氐北為天相主三公七改善惡星明則衆議詳審星入河中米貴人相食金星守天下兵起乳西星入氐四度去北辰四十九度

積卒



前下積卒星十二在氐東南星微小吉如大明及搖動主朝廷有兵微小吉一星亡兵半出二星亡兵大半出三星亡兵盡出五星守兵起星西入氐十三度去北辰一百二十四度

房宿



房四星名天府管四方一名天旗二名天駟三名天龍四名天馬五名天衡六為明堂是火星春夏水秋冬火房為四表表三道日月五星常道也上筭一星

名為右眼次將其名腸環上道二星名右驂上相其名中道三名左眼次將其名下道四名左驂上相總四輔左驂左服云東方及南方可用兵右驂右服云西方北方不可用兵

玄戈。

玄戈一星在招搖北一名臣戈五星守兵起星明動胡兵起入氏一度去北辰四十二度

招搖。


招搖星在梗河北生胡兵若角動兵黃起行入氏二

度去北辰四十一度

顛頊。

顛頊二星在折威東南生治獄官拷囚憎杖察真偽也

氏宿



氏四星為天宿官一名天根二名天符水星春夏水秋冬水主皇后妃嬪前二大星正妃後二左右大明為臣奉事君寧暗失臣勢動臣出國日月氏中君犯


惡之木星守之后喜守二十日有王者之所行不利
疾則治遲行臣職主守必有諸侯並王火守大臣相
譖逆行而赤色大臣亡久守六十日有大赦火星入
之有賊臣為亂近期一年遠二年金星守者有兵起
將軍有封爵者火之位水守有大水漂浸宮館萬物
不成水入貴臣爰有獄事客守布帛貴土星守有立
太子父守八十日已上國有兵起彗孛行入氏中後
宮有異兵動不出一百八日內遭水東平月暈圓氏
大將軍殃人多疾病

鉤鈴

鉤鈴二星主法去房宿七寸第一名天健一名天官
籥開歲若近夫妻同心遠者夫妻不和大明則羣臣
奉職天下道洽暗則羣臣亂政王道不行日月蝕房
中王者亂昏大臣專權木星守天下和平留四十日
五穀豐人安吉無疾病天子有令德期在四月火星
守有兵起七月有大喪及赦十日守大夫災二十日
不去必臣反及君子天子憂亂王者惡之天子兵旱
守止一日大臣亂五星守有妾王亦亂旱及地動又


守其有兵金守陪脇君大有土功事國乱布阜貴久
守人饑易主火守姦臣謀王大臣相譖暴誅臣佐天
下垂離若出房心中間地動客守米貴十倍日月五
星犯之色青國憂兵喪色白大兵相殺積尸如丘彗
孛入房國危人乱相幾流星入房西行為枉矢王殺
忠臣臣殺主輔臣亡遠期三年常以三月候房日月
出表南大旱喪出表北災及萬里兵乱陰雨若出中
道太平許徐潁州月暈圍房心災疫凶五度九月日
此上去北辰一百四度半

罰



罰三星在東咸西下西北而列主受金罰贖布布租
也

東咸



東咸四星在房東北主防淫佚木在北守而搖動天
子淫佚過度星南入心一度去北辰一百三度也後
則不過百八十日遠則不過三年起於東汴等州

天乳。

天乳星在氐北主甘露十五度十二中西南星去北
辰九十六度北伴屬前項天乳別

貫索

貫索星九在七八前為賊人牢牢口一星為門門欲
開之則有赦若赦主人憂若牢門閉及口星入牢中
有目絞死者以五子日夜候之一星亡有喜事二星
亡有爵事三星亡有赦甲庚期八十日兩辛期七十
日戊壬期六十日星入河中人相食若九星總見獄
事煩水星守水災火星守米貴有大星出牢大赦小

星即小曲恩降慮口舌右星入尾一度去北辰五十
五度也

巫官

巫官二星在房西南主醫巫之職事也

天福

天福三星在房西主鑾駕乘輿之官也

鍵閉

鍵閉星在房東北主管禽星不欲明明則內亂門扉
不禁姦淫至行於女也

天市垣五十六星在房心北主權衡一各天旗大明
則米貴市中星衆則歲實五星入市門則兵起芒角
色赤赤氣入大災火守米貴所守坐犯皆當之門左
星入尾一度去北辰九十四度也

候。


候星在市東主輔臣陰陽法官明則輔臣強小暗輔
微弱入箕三度去北辰七十二度

宦官




宦官四星在帝座西南侍帝之傍入尾十二度

斗




斗五星在宦星西南主稱量度明斗西後則豐若斗
亡仰不熟入尾十度

宗人



宗人四星右宗政東主司享先人星動帝親致憂

宗正



宗正二星在帝座東南主宗正卿大夫暗室位室族

有事

通占大象曆星經卷下

漢 甘公石申著


明 新安程榮校

屠肆




屠肆一星在帛度北主屠煞之佐也

市樓




市樓大星在市門中立闌闌之司今市曹官之職

斛



斛四星在北斗南主斛食之事已上諸星並在市中也

女床




女床三星在天紀北主後官生女事侍帝及皇后明則宮人自恣入箕一度去北辰五十三度

帝座




帝座一星在市中神農所賞色明潤天子威令行微小凶亡大惡之入尾十五度去北辰七十一度

宗星




宗二星在候東主宗室為帝血脈之臣錄呈冢親族等級星明則族人有序暗則族有憂

列肆



列肆二星在斛西北主貨珍寶金玉等也

東肆




東肆二星在宮門門垣在星之西主市場價直之官

帛度




帛度二星在宗星東北主平量也

天紀



天紀九星在貫索東主九卿萬事細紀掌理怨訟與貫相連有索即地動期二年星不欲明即天下有怨恨生亡則國政壞西入尾五度去北辰五十一度

天棒




天棒五星在女床東北主忿爭刑罰以禦王難備非常明大有憂微小言不用明火星守兵起入箕八度去北辰十二度春夏火秋冬永主八風之始一名析木

天維




天維三星在尾北斗杓後若星散則天下不微名也

天江



天江四星在尾北主太陰明動大水不禁兵起不具天下津梁不通南星入尾六度去北辰一百十一度

天龜



天龜六星在尾南漢中主卜吉凶明君臣若火星守


早澇災八尾十二度去北辰一百四十一度

天象。

天象一星在尾河中主雲雨理陰陽明河海出天象
推暴水災火星守南旱北水

神宮

尾宿




龍尾九星為後宮第一星后次三夫人次九嬪次嬪
妾一各后族水星也二風后三天鷄四天狗五大廟
皆欲明大小相承則宮多子孫傳說曰一星在第二

東二寸小者是長其星明則輔臣忠政暗則陪臣亂
邦木星守立太子三十日必后族逆兵妾賣權臣亂
國火星守兵相向大臣憂火興水合守箕尾間各九
江口必有敵若勝隔折絕者天下亂及早災土星守
多盜賊旱宮有廢黜土入魚鹽貴兵起大將出征上
火星金守准上合星入守人亂大臣變易失政水守
入天下水災江河決魚米貴客守賊暴貴客入天下
大饑荒亂人相食疾疫死竄他方不耕織君子貨衣
小人賣妻子日月蝕於尾貴臣中相刑反暈缸蜺背

向尾將相憂亂后有喪孛孛行祀貴臣誅內竈亂政
幽列定冀遼東等之應也


箕宿



箕四星主後別府二十七世婦八十一御女為相天
子后也亦為天漢九江口主梁在漢邊金星春夏金
秋冬土箕后動有風期三日也前二星為后也箕入
河中大饑人相食箕前亦名糠星大明歲豐小微天
下饑荒天下無米木守宮有口舌火星守天下饑久


守環造成鉤已大臣被誅火守大水災平溢澤若十
月守之大水米倍饑土水二星守万物不成饑久守
兵起或米貴或敵金星入守兵起有敵更主久守風
旱防內亂兵起改水星守穀不豐入火人憂客守
天下大饑米貴十倍人相食流亡他邑不耕織色赤
大風雨亂客在南旱計日月五星入之中天下兵起
滄洲洛陽去兔廣陵等應之也

建星




建六星在南斗北天之都關三光道也主司七耀行
得失十一月甲子冬至大忌活政之宿所起也木星
守水災米貴多病金星守萬物不成久惡等守惡水
星守人饑恹星入斗七度去北辰一百十三度

天弁




天弁九星在建近河為市宮之長牆凶與萬物明大
萬物興衆主市易也

狗




狗二星在斗魁前主卿臣移處卿臣為亂

狗國



狗國四星在建東南主鮮卑烏丸明邊兵起也


天籥



天籥七星在斗杓第二星西主闡籥開閉明吉暗凶


災

蟹



天驚十五星在斗南主太陰水蟲不在漢中有水火
災白衣食星大人喪火守旱水星即水災石入斗一
度去北辰一百二十七度

漸臺




漸臺四星屬織女東足主暑漏律呂陰陽事

輦道



輦道五星屬織女西足主天子遊宮嬉樂之道也

杵



杵三星在箕南主杵臼舂米事星動人失釜甑修田
橫大饑荒守之天下饑北星入箕一度去北辰一百
四十三度

農

農丈人一星在斗南主農官正政司農卿等之職
北万七宿三十五星九十八度七十五分五十秒


斗宿



南斗六星主天子壽命亦去宰相爵祿之位巫咸氏
云木星春夏木秋冬水一名天斧二名天關三名天
機大明王道和平將相同心帝命壽天下安暗大臣
失位天下驚芒角動搖國失忠臣天下愁木守六十
日大臣均壽爵祿不逆行入魁中大臣逆久守兵起
水災大機人相食大守國有內變相輔不安兵起大
逆行須守者及近城鈞已將相崩死國災火久守國
絕嗣土星守入斗中有王者不用兵兵大位守之九
十日兵起水災金星守執法大臣作逆國亂兵起有


赦火星金俱入斗中名曰鑠必有臣子逆久留遲火
經過速出者禍難速平水星守水災火入斗兵起於
吳越人大饑守客有兵絕道卒有大水賊盜多亂喪
弟攻兄子殺父或主崩果貴久守國絕嗣客守第二
星大水人相食客赤色入斗中兵起軍將死日月入
斗大臣失位或被殺若斗中蝕者日帝惡月后惡軍
圍斗之人流千里江池丹楊越廬汝地等應也

天泉




天泉十星在龍東一曰大海主灌溉溝渠之事也

織女



織女三星在天市東端天女主瓜果絲帛收藏珍寶
及女變明大天下平和常以七月一日六七日見東
方色赤精明女功善一星主兵起女人為彼常向扶
匪即善不向則絲帛倍貴火星守而帛貴兵起十年
乃息公主憂容守絲帛等貴入二十七去北辰五十
二度也


牽牛



牽牛六星主關梁工異主太路中主牛水星春夏木
秋冬火中央火星為政始日月五星行起於此此携
星遠漢天下牛貴明亦貴暗小賊入藻中并役死直
米穀價平曲米貴失常色牛多死穀不成木星守天
下和平久守水災人凍死米貴賣子虎害人臣謀主
木逆守有水道不通火星守老臣逆牛貴十信人
相食兵起將軍死大水災津梁不通土星守臣謀主
君有失位臣金星守地氣泄兵起至城天下人多死
水守辰星常以冬朝牽牛若不朝来年五穀不熟大


水損害客守二十日兵起琴堂行牛中吳越有自王
看琴出牛中七十日有政更像虹蜺出牛必有壞城
臨淮月暈圍牛損小兒災變也八度八月昏中昏中
去北辰一百十度

扶匡



扶匡七星在天柱東主桑蠶之事


天雞



天雞二星在狗國北主異鳥火星守兵起土守人饑


相食流七

河鼓




河鼓三星中大星為大將軍左星為左將軍右為右
將軍星直吉為羽車幹能曲即凶為失計奪勢左右
旗各九星並在牛北枕河主軍鼓達者聲音設守陰
以旗表亡動兵起左旗黑色主陰函之處備警急之
事河鼓有芒角為將軍旌旗百盛也

天浮




天浮四星在左旗南北列主漏刻天鼓若暗漏刻失
晴明則得所吉

九坎




九坎九星在牛南立溝渠水泉流通明矣起晴吉五
星守及犯之水泛溢西入斗四度去北辰一百二十
六度

天田




天田九星在牛東南主畿內田苗之職

羅堰



羅堰二星在牛東星不明暗吉大明馬被水淹浸


女宿



須女四星主布帛為珍室藏一名嫫女天女水星春
夏水秋冬火大明女功有就天下甚熟心暗天下不
足庫藏空虛日月饗女中天下女功不為邦憂患木


星守歲多水有喜女主人多凍死火星守產婦多死
布帛貴家上星守人相嫉惡有錢人暴貴存女喪金
星守臣下謀主兵起人多死女多寡府藏出珍帛水
星守有水災万物不成布帛貴客守諸侯進妓女布
綳貴有女暴貴孛孛行犯國兵起女亂常海西郡婺
州台州等月軍國主女死也十二月日在此二月日
中西星去北辰一百六度

離珠




離珠五星在女北主藏府以御後宮移則亂西入女
一度去北辰九十四度也

瓜瓠



瓜瓠五星在離珠北敗瓜五瓜南星明大熟主陰謀
後宮天子果園星不具搖動有賊害人木水客星等
守魚鹽貴瓜瓠入女一度去北辰七十一度

琉璃



瑤瑜三星在秦代東南西北主王饒衣服

虛宿

虛二星主廟堂災泣金星春夏水秋冬金一名玄枵
二名顛頊三名大卿亦臨官星歌枕斜上下不比則
嚮祀失礼木星守昭穆失序人饑多病木星與土合
守名陰陽盡為大水災魚行人道民流亡不居其處
期三年當大旱赤地千里火星守赤地千里女子多
死万物不成有土功役天子之兵久守人穢米貴十
倍土守風雨不收大旱多風米貴金星守臣謀王國

政急兵起殺人流血水星守旱萬物不成其客守其
分有災疫若凌犯環遠鉤已國亂彗孛行犯久有兵
入相殺流血如川屍如丘大星如半月守名天賊為
帝主者奉郊廟以銷災齊州日圓虛兵動人饑

越

越一星在婺女之南

鄭

鄭一星在越星南

趙


趙二星在鄭之南

齊



齊二星在越星南

周



周二星在越星東

楚



楚二星在魏星南

燕




燕一星在楚星南

秦



秦二星在周星東南

魏



魏二星在韓星北

韓



韓一星在正星北

晉



晉一星在代星北


代



代二星在秦星南


石件星色黑变勤流亡五星凌犯则其国各当咎也

司非 司危 司禄 司命



司命司禄司危司非各二星已上在虚北司禄次司命北司危次司禄北司非次司危北右各主天下寿余爵禄安泰危败是非之事

天津




天津九星在虚北河中主津瀆津梁知躬危通濟度之官星明動兵起参差米貴星大津不通三河水為害星移河淮覆赤氣入之旱災黃白氣入天子有令德火星守天下大亂及早西入午二度去北辰四十九度也

危宿



危三星主宮室祭祀土星春復水秋冬火動而暗天子宮室土功事興

墳



墳墓四星在危下主山陵悲慘事暗失本位山不見
則山陵毀梓宮剗剗事也日月飲危中主宮殿崩陷
大臣殺逆天下作木星守祀不敬天子別造宮室土
火守人多殺死不葬歲儉南方有兵久守東大兵逆
國敗政人饑旱米貴十倍土星守土功起旱損急兵
金星守罷兵將軍喜慶水星守臣下亂謀敗破祿刑
法宮有憂國有水災日月五星入天下亂來年大饑
客守國政主王侯事未貴孛孛行犯國返兵起流星
入天下不安近半年遠三年蔡州太原郡月暈圈色

人多病

室宿




營室二星主軍糧離官上六星主隱藏木星春夏火
秋冬水一名宮二名室明國昌動搖兵出起日蝕室
中王自將出征不伏月蝕歲饑百姓絕種上六星各
離宮主六宮妃后位為掖求卷若危乘守入城鉤己
環透左右逆行往來於宮者為妃后堯黜或主崩后
黨被誅或宮女外通以時占之本星守南東在有毒

事北即憂西米貴火星守將軍凶久守成鈞已者主
 失官佳大臣陰謀憂旱米貴十倍大臣作逆守經二
 十日已上至久九十日臣亂殺君篡位天子惡之上
 星守至陰造宮室起土功將軍益封金星守兵革散
 久守單兵滿野水星守水災民為主欲敗亡候之不
 出四十客守有軍出失兵法主民得地人米貴人敬
 彗孛星出天下亂國易政卒為續廣政孽孝犯之前
 起兵者為弱亦不守鬪戰必敗淫衛甘秦川月暈圓
 室壁下人謀成起謀不成婦兒多病少者應之時取


占之應也

奚仲




奚仲四星在天津北帝王東宮之官也

鈞



鈞九星在造父西河中星移王地動之應也

車府



車府七星在天津東近河主官車之府也

哭

哭二星在虛南主死哭之事

泣

泣二星在哭星東已上並主死悲泣之憂

造父

造父五星在傳舍南主御女之官則馬貴

蓋屋

蓋屋二星在危宿之南主宮室之事也

虛梁

虛梁四星在危南主國陵寢廟非人居處


天壘

天壘十三星如貫索狀在哭泣之南主北夷丁零匈奴之事也


敗臼

天

敗曰四星在虛危南主政治如哭泣亡人賣釜甑出
 鄉宅客守人亂西南入女十三度去北辰一百三十
 一度




人五星在危北主天下百姓亡宮有詐偽作詔勒之
 人為婦人凶亂者也



杵臼星在人傍主春軍糧曰四星在杵下若杵臼不
 相當軍事饑曰仰歲熟量傾覆大饑也




土吏三星在室西南主備設司過農事



天錢十星在虛梁南主錢財庫聚天財物庸調之輩
 司今左右庫藏是也




騰蛇二十三星在室北枕河主水蟲暗國安移南大
早移北大水客守水尖頭入室一度去北辰五十度
也



天海十星在壁西南五星及客守之水涌溢浸溺人
邑




雷電六星在室西南主興雷電也



雲雨四星在雷電東生南澤萬物成之



霹靂五星在雲雨北主天威擊辟于萬物



北落師門一星在羽林軍西主候兵星明大而角軍


兵安小暗天下兵王星犯兵起金水木星守尤甚木
土犯吉火星守人兵羽不可固國殘朝亡入危九度
去北辰一百二十度

天剛



天剛二星在北落西南主天繩張漫野宿所用也

八魁



八魁九星在北落東南主獸之官五星及客守之兵

起金火星守尤凶甚

鉄鎖

鉄鎖三星在八魁西北一名斧鉞主斬列亂行誅訛
許為人暗吉移處兵起


壁宿

東壁二星主文章圖書也土星春夏金秋冬土一名
天術失色大小不同天子將封鄙土而失天下過日
蝕壁中國不用賢士失女字月蝕中大臣憂大者死

木星守五經仕久被用朝廷興火星守大臣謀君歲
 旱不熟米貴不顯內外勝政兵起土星守久賢臣國
 用文章道術興行國君延壽天下豐熟太平火星入
 中街君崩五日則相薨若不火則流散土星守逆行
 入壁万物不成守經九十日已上大兵起百姓有立
 主者金星守天下不通王者急刑罰有兵大臣憂水
 守水災道不通客守多風雨及水災臣下賊王者政
 刑事內明通明有政事內清月暈壁具久國亂彗孛
 行犯兵起火守火災大廟門天下有兼并者辟明王


道興有君子在位星暗王道衰人得用武蘭涼衛州
 等分也

羽林



羽林軍星四十五星壘辟十二星並在室南主朔衛
 天子之軍入安飛將星欲威明天下安星暗兵盡失
 西入室五度去北辰一百二十三度也

王良



王良五星在奎北河中為御馬官漢中四星天駟旁
一星名王良生疾及路為天橋主急兵也星不具津
河不通物向四方隨方有兵起也

策

策一星在王良前為天子僕策御馬去王良策馬軍
騎滿野大兵起火守良兵起明則馬賤暗即馬貴西
入壁半度去北辰四十二度

土公

土公二星在壁南主營造宮室起土之官等類也

廐



天廐十星在壁北主天子馬坊廐苑之官也

通占大象曆星經卷下終

卷七

淡粉大...
...

